

## **Kalaallit Nunaanni eqqartuussissuserisuni inatsisitigut siunnersorneqarneq pillugu nalunaarut**

Kalaallit Nunaanni eqqartuussisarneq pillugu inatsimmi § 84, imm. 3 aamma 4 naapertorlugu, tak. inatsimmik nalunaarut nr. 1186, 18. september 2023-imeersoq, aalajangersarneqarpoq:

### *Eqqartuussissuserisut inatsisitigut siunnersuisartut*

§ 1 Kalaallit Nunaanni eqqartuussisarneq pillugu inatsimmi § 84, imm. 1 malillugu, eqqartuussissuserisut Kalaallit Nunaanni allaffeqarfillit nammineq aningaasartuutiginagu eqqartuussisuler-suussisarnermi sulianik suliarinnissinnaatitaasut inunntut aningaasaqarnikkut piumasaqaatinik § 254, imm. 3 malillugu naammassinnittunik eqqartuussisutigoortitsinissami ikiorsiisussaapput. Inatsimmi tassanerpiaq § 84, imm. 2 malillugu eqqartuussissuserisut Kalaallit Nunaanni allaffillit, imm. 1-imi aalajanger- sakkami ilanngunneqanngitsut, inatsisinik atortitsinermut ministerip aalajangigaanik oqartussaasu- nut nalunaaruteqarnikkut, taamaaqataanik pisussaaffeqalersinnaapput.

*Imm. 2.* Kalaallit Nunaanni eqqartuussissuserisut inatsisilerinermik ikiorsiisartut pillugit Kalaallit Nunaanni Eqqartuussivik nalunaarsuiffiliussaaq iluarsuiffiiguartagassaminik. Nalunaarsuiffik qimerloorneqarsinnaavoq Kalaallit Nunaanni Eqqartuussivimmi, najukkani eqqartuussivinni, Kalaallit Nunaanni Kommunit Kattuffianni (Kanukokami), Kalaallit Nunaanni Naalagaaffiup Sinniisuani najukkanilu atuagaateqarfinni. Nalunaarsuiffik Kalaallit Nunaanni Eqqartuussivimmut najukkanilu eqqartuussivinnut saaffiginnikkut tunniunneqarsinnaavoq.

### *Inatsisitigut siunnersorneqarnissamut aningaasaqarnikkut piumasaqaatit*

§ 2 Eqqartuussissuserisut inatsisitigut siunnersuinissaannik aalajangiinerni isertitanit akileraar- tarneq pillugu Inatsisartut inatsisaanni § 75 malillugu isertitat A-t aamma isertitanit akileraarutit 10.00 kr.-nik ilanngaasikkat pillugit Inatsisartut inatsisaanni § 74 malillugu isertitat B-t katinnerat isertitatuq tunngavigneqassaaq, tak. isertitanit akileraarutit pillugit Inatsisartut inatsisaanni § 21, imm. 1 malillugu assigiimmik ilanngaatit, Kalaallit Nunaanni ingerlatseqatigiiffiit iluanaarutaannit akileraarusikkanit iluanaarutaasinnaasunik tapiliussartallit, tak. isertitanit akileraarutit pillugit Inatsisartut inatsisaanni §86.

*Imm. 2.* Imm. 1 malillugu naatsorsuinerni atorneqassapput ukiup siuliani isertitanut naatsorsuutit inaerneranni isertitat ersertut ukiumilu pineqartumi Kalaallit Nunaanni ingerlatseqatigiiffiit ilua- naarutigisinnaasaannut uppersaatit atorneqassapput.

*Imm. 3.* Imm. 1 malillugu naatsorsuinermi 371.000 kr.-nik ikinnerusunilluunniit isertitallit inatsisitigut siunnersorneqassapput. Inatsisitigut siunnersorneqartoq inooqateqarpat aappariillu isertitaat katillutik 471.000 kr.-iuppata ikinneruppataluunniit inatsisitigut siunnersuisoqassaaq. Aappariit suliami soqutigisaat akerleriippata, inatsisitigut siunnersorneqartup isertitai kisimiittullu isertitaannut killigititaq atorneqassaaq. Katissimaneq angajoqqaatulluunniit oqartussaassuseq pillugu suliani, tak. Kalaallit Nunaanni eqqartuussiveqarneq pillugu inatsimmi kapitali 27, qinnuteqaateqartup isertitai aamma kisimiittut isertitaannut killigititaq atorneqarsinnaapput.

*Imm. 4.* Aningaasat imm. 3-mi taaneqartut meeqqamut ataatsimut, ilanngullugit meerassanut aamma qitornarsiamut ataatsimut 18-it inorlugit ukiulimmut inatsisitigut siunnersortikkumasumi najugalimmut imaluunniit taassumanna pilersugaanerusumut ataatsimut 64.000 kr.-nik qaffanneqassapput.

2

§ 3 Isertitat naatsorsorneranni inatsisitigut siunnersorneqarusuttup paasisutissiissutigisaannit § 2, imm. 1 malillugu tunngaviusumik isertitat naatsorsorneranni tunngavigineqartunit allaanerungaatsiarpata, ullumikkut isertitat annertussusiat tunngavigineqassaaq.

§ 4 Inatsisitigut siunnersortinnissaq pillugu eqqartuussissuserisumut ikioqqusup 2022-mi isertitat pillugit akileraartarnermut oqartussat inaarutaasumik naatsorsugaat saaffigisaminut takutissavai. Inatsisitigut siunnersortikkusuttoq inooqateqarpat inooqataasup isertitai inaarlugit naatsorsukkat aamma takutinneqassapput. Aappariilli suliami soqutigisaat akerleriippata taanna atuutissanngilaq.

*Imm. 2.* Inatsisitigut siunnersortikkusuttup taassumaluunniit inooqataata isertitaat inaarutaasumik naatsorsorneqarsimangippata imaluunniit ikioqqusup § 3-mi pineqartoq patsisiginiarpagu, ullumikkut isertitaasa uppernarsaataat takutinneqassaaq.

*Imm. 3.* Immikkut ittumik nukinginnartoqartillugu imm. 1 imaluunniit 2 malillugu uppernarsaamik takutitsisoqanngikkaluarpalluunniit, aningaasaqarnikkut piumasaqaatit naammassineqartutut isumaqarfigineqarpat § 5, imm. 1 malillugu inatsisitigut siunnersuisoqassaaq.

#### *Inatsisitigut siunnersuinermi suliaqarfii annertussusiallu*

§ 5 Inatsisitigut siunnersuineq oqaatsit atorlugit siunnersuinikkut pisassaaq allakkatigullu saaffiginnissutit nalinginnaasut allakkiuunneqassallutik, matumani ilanngullugit nammineq aningaasartuutiginaq eqqartuussisulersuussinissamik qinnuteqaatit, eqqartuussinermi suliasatut allakkiat, pigisat avinnissaat pillugu isumaqatigiissusiornerit, testamentit pisariitsut aappariilernermilu isumaqatigiissutit.

*Imm. 2.* Pissutsit immikkut ittut atuutisillugit Kalaallit Nunaanni Eqqartuussiviup akuersereerneratigut eqqartuussissuserisoq inatsisitigut siunnersuinermi annertunerusumik ikiorsiisinnaavoq, aamma suliaq unnerluussinertaqanngitsumik isumaqatigiissuteqarnikkut naammassineqarsinnaasoq ilimagineqarpat.

*Imm. 3.* Makkununga inatsisitigut siunnersuisoqarsinnaanngilaq:

- 1) Pinerluttulerinermi pineqaatissiinermiluunniit suliani pisortat paasisaannut unnerluussaannulluunniit
- 2) sulianut namminersortut suliaannut tunngasunut annertunerunerusumillu inuussutissarsiornermut tunngassuteqartunut
- 3) akiitsunik isumakkeerinninneq pillugu sulianut
- 4) sulianut pisortat ingerlatsiviinut tunngasunut taakkunaniluunniit suliarineqartunut pisariaqartitsineq malillugu pisortat taakkunuuna ilitsersuinissaat ikiuunnissaalluunniit ilimagineqarpat.

*Imm. 4.* Taamaattorli imm. 3, nr. 4-mi pineqartoq apeqqutaatinnagu pisortat ingerlatsiviata aalangiineranut naammagittaalliuut pillugu inatsisitigut siunnersuisoqarsinnaavoq.

*Imm. 5.* Inatsisitigut siunnersortikkusuttoq suliami tassani imm. 1 malillugu ikiorserneqarsinnaavoq aamma imm. 2 malillugu piumasaqaatit ajornartinngippassuk annertusisamik inatsisitigut siunnersorneqarsinnaalluni.

*Imm. 6.* Aningaasat § 6-mi taaneqartut iluanni suliaq naammassineqarsinnaanngitsutut siumut ilisimaneqarpat inatsisitigut siunnersuinermit tapiisoqarsinnaanngilaq. Taamaattorli inatsisitigut siunnersorneqarneq tapiissuteqarfigineqarsinnaavoq aningaasat taaneqartut iluanni suliaq

naammaginatunimik tamanna naammassineqarsinnaasoq eqqartuussissuserisup siunnersuinermini missingersorpagu.

§ 6 § 5, imm. 1 malillugu 1.260 kr. tikillugit aningaasarsinikkut eqqartuussissuserisoq nalinginnaasumik inatsisitigut siunnersuisinnaavoq.

*Imm. 2.* Kalaallit Nunaanni Eqqartuussiviup akuersereerneratigut § 5, imm. 2 malillugu 2.870 kr. tikillugit aningaasarsinikkut eqqartuussissuserisoq inatsisitigut siunnersuisinnaavoq.

*Imm. 3.* Siunnersuinerup annertussusia suussusialu aalajangiisuutillugit imm. 1 aamma 2 malillugit aningaasarsiat marloriaataat tikillugit pisut tunngavigalugit aningaasarsiassanik Kalaallit Nunaanni Eqqartuussivik annertussusiliisinnaavoq.

#### *Aalajangersakkat assigiinngitsut*

§ 7 Eqqartuussissuserisoq inatsisitigut siunnersuimajunnaarsinnaavoq ikioqqusup piumasagaatai tunngavissaqarsorinangippata imaluunniit suliap ingerlanneqarnera eqqartuussissuserisut ileqquannut eqqortumut akerliuppat.

§ 8 Immikkorluinnaq ittunik pisoqanngippat suliami tassani illuatungiusoq ataasiinnaanngippat nalunaarut manna malillugu inatsisitigut siunnersuinermi eqqartuussissuserisoq aningaasarsitinneqarsinnaanngilaq.

§ 9 § 6 malillugu Kalaallit Nunaanni Eqqartuussivik eqqartuussissuserisumut aningaasarsititsissaaq.

*Imm. 2.* Kalaallit Nunaanni Eqqartuussiviup suliamik suliarinninneranut atugassatut immersuif-fissaq oqaasertalersugaq eqqartuussissuserisup immersussavaa. Immersugassaq oqaasertalersugaq Civilstyrelsimit suliarineqassaaq.

*Imm. 3.* Immikkut pissutissaqartillugu pingaartumillu § 5, imm. 2 malillugu annertusisamik inatsisitigut siunnersuisoqartillugu aningaasarsiassat tunniutinnginneranni eqqartuussissuserisoq suliaq pillugu erseqqinnerusumik nassuiaateqassasoq Kalaallit Nunaanni Eqqartuussiviup piumasarisinnaavaa.

§ 10 Nalunaarut una atuutilersinneqarpoq 1. januar 2024-mi ullullu taassuma kingorna nalunaarummi inatsisitigut siunnersorneqarneq pillugu aalajangersakkat atuutissallutik.

*Imm. 2.* Kalaallit Nunaanni eqqartuussissuserisuni inatsisitigut siunnersorneqarneq pillugu nalunaarut nr. 1484, 30. november 2022-meersoq atorunnaarsinneqarpoq.

*Justitsministeriet, ulloq 8. december 2023*

PETER HUMMELGAARD

/ Sanne Bagge Hjorth